



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

18. Alia symbola æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

142 *Domus eternitatis. Consideratio*
fructus facias. Si sapias. Miserere anima
tua. Eccli. c. 30. 22.

CONSIDERATIO XVIII.

Alia symbola æternitatis.

In eternum manet. Psal. 32, 11.

21. *Februarii.*

SEgniùs irritant animos, demissa per
aures: Quàm quæ sunt oculis sub-
jecta fidelibus. Quare denuò penicillum
arripiamus, & quemadmodum varia jam
symbola adumbravimus, ita & alia hie-
roglyphica adjiciamus. Sed quænam?
Suggerit illa celebris S. Scripturæ inter-
pres Cornelius à Lapide in Epist. ad
Rom. c. 6. Atque interrogat:

I. Quid est æternitas? Est *circulus*, cu-
jus centrum est semper, circumferentia
nunquam: quia nunquam, nullòve tem-
pore claudi potest aut terminari. Si epi-
graphen addere cupias, adscribe. *Ma-
gnus est & non habet finem. Baruch c. 3, 26.*

II. Quid est æternitas? Est *orbis*, ubi-
que rotundus, sui que similis, qui nul-
quam, incipit, nusquam desinit, prin-
cipio

cipio & fine carens. Adde, si placet, lemma. *Absque ullo termino.* Isaïæ c. 5. 14.

III. Quid est æternitas? Est *annus jugiter revolutus*, qui instar solis, ubi occidit & moritur; ibi renascitur, rursūque oritur; ac semper ortus in occasu est, & occasus in ortu. Adscribe gnomon: *Oritur & occidit, & in locum suum revertitur.* Eccle. c. 1. 6.

IV. Quid est æternitas? Dicite id nobis ô Beati, qui eam jam ingressi estis. Dic S. Petre, S. Paule, S. Joannes: Eam inquirunt distinctè explicare non possumus: gaudemus lucere nobis *diem æternitatis.* 2. Petri 3. 18. quæ est *dies lætitiæ* Tob. c. 12. 10. Est *dies sabbati*: imò *magnus ille dies sabbati* & quietis perpetuæ, & *Nocte caret.* Quamdiu eam jam fructi estis? Ultra 1600. annos. Quantum in ea progressi estis? vixdum eam inchoavimus: sed mille sexcenti anni & ultra, nunquid de die æternitatis vestræ aliquid decerpserunt? non horam, non momentum, unum, ne hilum quidem. Tantundem est ac si eam nunc primū inchoarem; æquè nova, æquè jucunda, nobis
G accidit,

144 *Domus eternitatis. Consideratio*
accidit, & restat dies æterna & voluptas
perpetua.

V Sed ô Sancti edicite nobis aliquid
amplius, de felici ac beata æternitate ve-
stra? Jam diximus, nec nos exponere, nec
vos capere valetis: est enim *abyssus tem-*
porum, abyssus seculorum, abyssus gaudio-
rum, Quis dimensus est? Eccli. c. 1. 2.
Tempora nostra, sæcula nostra, gaudia
nostra fundo carent, finem non habent;
terminum eorum, quantumvis sapientis-
simi & oculatissimi simus, pervidere non
possumus. *Scimus quòd adificationem ex*
Deo habemus, Domum non manufactam
æternam in celis. 2. Corinth. c. 5. 1. In
qua cum ipso lætabimur & regnabimus
in sæcula seculorum.

Suspiria.

O Æternitas beata! esto mihi *circulus,*
in quo semper maneam. Esto mihi
orbis, in quo beatè vivam; *annus,* quem
nunquam finiam; *dies,* in quo semper
gaudeam; *abyssus lætitiæ,* in qua ita ab-
sorbeor, ut nunquam egrediar. O Do-
mine, *educ de custodia animam meam.*

Psal.

Pfal: 141. 8. Ut beatam æternitatis tuæ
Domum intrare valeam: nam *Hac requies
mea in seculum seculi.* Psal. 131. 14.

22. Februarii.

I. **C**ONSIDEREMUS ulterius: quid est æ-
ternitas? Est *fons*, in quo aquæ
per mæandros ad suam scaturiginem
semper refluunt, ut iterum fluant, fluxu
atque refluxu continuo: vel aquas præ-
bens dulcissimas beatitudinis cœlestis;
vel amarissimas, falsissimâsque maledi-
ctionis infernalis. Adde epigraphen:
Emanat dulcem & amaram aquam. S. Ja-
cob. epist. c. 3. 11.

II. Quid est æternitas? Est *mare* sine
termino, *oceanus* sine litore, circulus spi-
rarum, & spira semper gyrans & circu-
lans in immensum, quæ semper volvitur
& revolvitur, nunquam evolvitur. Ap-
pone inscriptionem: *Quis ex vobis poterit
transfretare?* Deut. c. 30. 13.

III. Quid est æternitas? Est *labyrin-
thus*, innumeris gyris, amfractibus, & am-
bagibus sese intorquens, ingressosque
perpetuò circumducens: in quo aditus

146 *Domus aternitatis. Consideratio*
absque exitu, & absque egressu ingressus.
Si laberis intus, non labyrinthus erit, sed
labor intus erit. Lemma sit: *Non exibis,*
2. Reg. c. 18. 3. Hoc torquet damnatos,
Beatos recreat.

IV. Quid est aternitas? Lubet rursus
audire Beatos. Dic nobis S. Catharina,
S. Lucia, S. Agnes, S. Thecla, quæ usque
ad mortem pro castitate & fide certastis,
quæ ignes, equuleos, rotas ac bestias su-
perastis, qualis & quanta est vestra aterni-
tatis? *Mensura* est, inquiunt, quam di-
metiri & mensurare non valemus: est
mensura, *qua sine mensura est.* Osee c. 1.
10. Neque enim ulla mensura reperiri
potest, quæ eam adæquet. Quia regni no-
stri, felicitatis nostræ, gloriæ & lætitiæ
nostræ, non erit finis.

V. Quid est aternitas? Dic S. Hiero-
nyme, S. Macari, S. Antoni, S. Paule, S.
Romualde, S. Elia & Elisæe, qui sexaginta
ta, octoginta, aut centum annis, omnes
sæculi voluptates abdicastis, vitam auste-
ram duxistis. Circuiistis in melotis, in
pellibus caprinis, egentes, angustiati, af-
flicti, quibus dignus non erat mundus;
quid

quid pro tantis laboribus recepistis? At-
tigimus *portum*: post ventos & tempe-
states, post remigationes & procellas: in
portum salutis ingressi sumus: *Iste locus*
quietis. Isaiaë c. 66. 1. Labor brevis, quies
æterna: navigatio periculosa, securitas
perpetua.

Suspiria.

O Æternitas beata! sis mihi *fons a-*
quæ, quæ in vitam æternam saliat! sis
mihi *mare* beatitudinis, quod me ab-
sorbeat ac demergat. Sis mihi *labyrinthus*
in paradiso cœlestis voluptatis, qui nul-
lum unquam mihi exitum præbeat. Sis
mihi *mensura*, bona, coagitata super-
effluens, sine mensura: & *portus* æternæ
quietis. O damnata æternitas! væ, væ il-
lis, quibus tu es fons amaritudinis, mare
mortis, labyrinthus laboris, mensura im-
mensa doloris, & portus æternæ infeli-
citatibus!

23. Februarii.

I. **D**enique perpendamus: Quid est
æternitas? Est *anguis* orbiculari-
ter in se reflexus, caudam ore comple-

G 3

Æternitas

148 *Domus aternitatis. Consideratio*
Etens, qui in sui fine semper rursus inci-
pit, & incipere nunquam desinit, assiduo
morsu & remorsu. Lemma adjice: *Non*
est finis. Baruch c. 3. 25.

II. Quid est aternitas? Est *axis* stabilis
& immobilis, circa quem volvitur mun-
di, temporis & saeculorum omnium ro-
ta, sempè. que stat in motu, nec unquam
movetur in statu. Adscribe: *In aeternum*
non commovebitur. Psal. 111. 6.

III. Quid est aternitas? Est *rota*, quæ
semper volvitur, & volvetur in omne vo-
labilis ævum: eritque semper in motu, in
quiete nunquam. Inscribe: *Circuit per*
gyrum. Judith c. 7. 6.

IV. Quid est aternitas? Dic o S. Ste-
phane, S. Laurenti, S. Vincenti, S. Seba-
stiane, qui continuum & longum marty-
rium fortiter & generosè tolerastis; quæ
est corona aternitatis vestræ: Habuimus
momentum crucians quod jam dudum
transiit & evanuit: nunc autem habemus
aeternum delectans: quod non transibit.
Levit. c. 26. 6. Sed semper erit hodie, sem-
per nobis præsens, semper oblectans.

V. Quid est aternitas? Dic nobis divus
Epulo,

Epulo, dic Juda, dic Pharao? Habuimus nos in vita *momentum delectans*, sed nunc habemus *aternum crucians*. Imò sicut beatis, præ gaudio, tota æternitas non videtur esse nisi momentum; ita quoque nobis in inferno, æternitas tota, *momentum* est; sed eheu! magni momenti & ponderis: momentum. *Super omne pondus & mensuram.* 1. Paralip. c. 23. 29. momentum longum & grave. Cogita sæcula sæculorum, cogita progenies & generationes omnes; cogita tempora omnia, præterita præsentia & futura, nec non possibilia; necdum tamen æquabunt hoc momentum nostræ æternitatis: per omnia enim hæc tempora, urimur, cruciamur, torquemur, in inferno, & quidem sine mensura, sine pausa, sine termino, nullo non momento.

Suspiria.

O Rex sæculorum immortalis! adjuva me, ut cum sanctis Martyribus momentum vitæ, omnesque cruces momentaneas, ita fortiter feram, ut gaudia æterna obtineam. Custodi me, ut pupil-

150 *Domus aeternitatis. Consideratio*
lam oculi tui, ne unquam *anguis* aeterni-
tatis miseræ me involvat, & ne *Draco* iste
antiquus, me mordeat, aut devoret: Tue-
re me, ne *axis* aeternitatis damnatæ figat
atque configat me. Ne *rota* aeternitatis in-
felicis me in perpetuum circumagat; ne,
in *momento* illo infinito, vox tonitruï tui
in rota sine cessatione me feriat: *Etenim*
sagitta tua (pœnarum temporalium)
transcunt vox tonitruï tui in rota (aeter-
nitatis) transit nunquam, Psal. 76. 18.
Sed sine fine, tonat, fulminat, ferit, læsæ
Majestatis divinæ reos in gehenna.

ICONSIDERATIO XIX.

Annus, dies, hora aeternitatis.

Mille anni, ante oculos tuos, tanquam dies
hesterna, quæ perit. Psal. 89. 4.

24. *Februarii.*

I. **C**onsidera, quomodo tota vita no-
stra sit quasi *annus unus*, sicut &
tota aeternitas velut *annus unus*. Vita no-
stra in primis, licet octogenaria, tam ta-
men brevis est; ut meritò *annus unus*
esse censeatur; cujus pueritia ver est, ju-
ventus